

VODIČ

o postupku zaštite geografskog porijekla vina

I - Uvod

Jedan od strateških ciljeva Federalnog ministarstva poljoprivrede, vodoprivrede i šumarstva (u daljem tekstu: Ministarstvo) je „stvaranje povoljnijeg poslovnog ambijenta, dostizanje konkurentnosti u proizvodnji, preradi i trgovini, uz unapređenje kvalitete života na ruralnim prostorima i očuvanje okoliša”.

Imajući u vidu činjenicu da je Zakon o vinu na nivou Bosne i Hercegovine još uvijek u izradi, te da će procedura njegovog donošenja trajati izvjesno vrijeme, ovo Ministarstvo je odlučilo da se proizvođačima vina u Federaciji Bosne i Hercegovine koji žele zaštititi geografsko porijeklo vina pruži mogućnost da to učine po proceduri propisanoj federalnim Zakonom o vinu („Službene novine Federacije BiH“ broj 55/12), u daljem tekstu: Zakon o vinu.

Rješenja o zaštiti geografskog porijekla vina su privremena i važe do donošenja propisa o zaštiti geografskog porijekla vina na nivou Bosne i Hercegovine.

Nakon donošenja Zakona o vinu na nivou Bosne i Hercegovine i podzakonskih akata, između ostalih i podzakonskih akata koji će propisati postupak zaštite geografskog porijekla vina, vršit će se usklađivanje federalnog Zakona i podzakonskih akata o vinu sa istim, te samim tim i usklađivanje poslovanja proizvođača vina sa novim propisima.

Zakonom o vinu je omogućena zaštita geografskog porijekla vina koje se proizvodi u vinogradarskom području Federacije Bosne i Hercegovine.

II - Zaštita geografskog porijekla vina

Proizvodnjom vina i drugih proizvoda od grožđa i vina mogu se baviti fizička i pravna lica koja su upisana u Vinogradarsko-vinarski registar.

Članom 44. Zakona o vinu propisano je da proizvođač vina može proizvoditi vino sa geografskim porijeklom na osnovu rješenja nadležnog organa (Ministarstvo) o priznavanju oznake za to vino.

Član 47. propisuje postupak dobijanja rješenja o ispunjavanju uvjeta za korištenje oznake zaštićenog geografskog porijekla, koje se izdaje jednom godišnje, odnosno kada se vino sa zaštićenim geografskim porijeklom želi staviti u promet.

U slučaju bilo kakve promjene iz člana 44. stav (1) Zakona, proizvođač vina je dužan kod Ministarstva zatražiti izmjenu već izdatog rješenja o priznavanju oznake geografskog porijekla. Uz zahtjev za izmjenu rješenja potrebno je priložiti dodatak (aneks) elaborata koji se odnosi na zatraženu izmjenu.

Članom 71. ovog zakona propisano je da su proizvođači grožđa i vina dužni svoje poslovanje uskladiti s odredbama Zakona o vinu u roku od godinu dana od dana stupanja na snagu Zakona o vinu. Proizvođači grožđa i vina koji do dana stupanja na snagu ovog Zakona puštaju u promet vino sa rješenjem o priznavanju geografskog porijekla izdatog na osnovu ranijih propisa, dužni su u roku od godinu dana podnijeti zahtjev za izdavanje novog rješenja od strane Ministarstva.

Elaborat – stručnu dokumentaciju o proizvodnji vina sa geografskim porijeklom izrađuje Federalni agromediterranski zavod ili neko drugo pravno lice koje dobije ovlaštenje ovog Ministarstva za obavljanje stručnih, analitičkih i drugih poslova iz oblasti vinogradarstva i vinarstva.

Podnosilac zahtjeva je dužan uz zahtjev za izdavanje rješenja o zaštiti geografskog porijekla vina na osnovu Zakona o federalnim upravnim taksama i Tarifama federalnih upravnih taksi («Službene novine Federacije BiH», br. 6/98 i 8/00) dostaviti federalnu upravnu taksu u iznosu od 5 KM po tarifnom broju 1, a za izdata rješenja o zaštiti geografskog porijekla vina po tarifnom broju 39. tačka 2. alineja 2., dužni uplatiti taksu na rješenje u iznosu od 45,00 KM preko računa javnih prihoda na ime Budžet Federacije BiH, na račun „Union banka“ d.d. Sarajevo broj: 102-050-00001066-98“, svrha uplate: izdavanje rješenja (sa pozivom na broj rješenja), budžetska organizacija broj: 2401001, vrsta prihoda broj: 722112.

III - Podnošenje zahtjeva

Ministarstvu se podnose zahtjevi sa dokumentacijom kako slijedi:

1. Zahtjev za izdavanje rješenja o zaštiti geografskog porijekla za tzv. “nova” vina (član 44.). Uz zahtjev se prilaže potvrda o upisu u Vinogradarski i vinarski registar i Elaborat;
2. Zahtjev za izdavanje rješenja o ispunjenosti uslova za korištenje oznake vina sa geografskim porijeklom iz date godine berbe (član 47.). Uz zahtjev se prilaže uvjerenje i stručno mišljenje sa pratećom dokumentacijom izdato od strane Zavoda ili drugog ovlaštenog pravnog lica;
3. Zahtjev za izmjenu već izdatog rješenja o priznavanju oznake geografskog porijekla ukoliko dođe do bilo kakve promjene iz člana 44. stav (1) Zakona o vinu. Uz zahtjev se dostavlja Elaborat (ukoliko ranije nije dostavljen Ministarstvu) i aneks Elaborata;
4. Zahtjev za izdavanje rješenja o zaštiti geografskog porijekla za vina čija je oznaka geografskog porijekla zaštićena po osnovu propisa o vinu donesenih prije stupanja na snagu Zakona o vinu (član 71.). Uz zahtjev se prilaže Elaborat sa svim svojim aneksima, kao i sva izdata rješenja i izmjene rješenja vezane za vina koja nose oznaku zaštićenog geografskog porijekla.

Napomena:

Zahtjevi za izdavanje rješenja za puštanje u promet vina sa zaštićenim geografskim porijeklom podnose se nadležnom kantonalnom ministarstvu.

Zahtjevi za izdavanje rješenja za puštanje u promet stolnih vina bez geografskog porijekla podnose se nadležnom općinskom ograni.

U prilogu ovog Vodiča nalaze se obrasci 1. i 2. za podnošenje zahtjeva.

Broj: _____
Datum: _____

**Zahtjev za izdavanje rješenja o
zaštiti geografskog porijekla vina / ispunjenosti uslova za korištenje oznake vina sa
geografskim porijeklom iz date godine berbe / izmjeni rješenja o zaštiti geografskog
porijekla vina**

Podnosilac zahtjeva _____

Adresa/sjedište podnosioca zahtjeva _____

Tel, faks, e-mail _____

Naziv i kategorija vina _____

Uz zahtjev je u originalu ili ovjerenoj kopiji priložena slijedeća dokumentacija:

1. _____
2. _____
3. _____
4. _____
5. _____
6. _____

Napomena: Podnosilac zahtjeva je dužan uz zahtjev za izdavanje rješenja o zaštiti geografskog porijekla vina na osnovu Zakona o federalnim upravnim taksama i Tarifi federalnih upravnih такси («Službene novine Federacije BiH», br. 6/98 i 8/00) dostaviti federalnu upravnu taksu u iznosu od 5 KM po tarifnom broju 1, a za izdavanje rješenja o zaštiti geografskog porijekla vina po tarifnom broju 39. tačka 2. alineja 2., dužni uplatiti taksu na rješenje u iznosu od 45,00 KM, preko računa javnih prihoda na ime Budžet Federacije BiH, na račun „Union banka“ d.d. Sarajevo broj: 102-050-00001066-98“, svrha uplate: izdavanje rješenja, budžetska organizacija broj: 2401001, vrsta prihoda broj: 722112.

Mjesto i datum

Mjesto pečata

Potpis podnosioca zahtjeva

Broj: _____
Datum: _____

**Zahtjev za izdavanje rješenja o
zaštiti geografskog porijekla vina čija je oznaka geografskog porijekla zaštićena po
osnovu propisa o vinu donesenih prije stupanja na snagu Zakona o vinu** ("Službene
novine Federacije BiH", broj 55/12)

Podnosilac zahtjeva _____

Adresa/sjedište podnosioca zahtjeva _____

Tel, fax, e-mail _____

Naziv i kategorija vina _____

Uz zahtjev je u originalu ili ovjerenoj kopiji priložena slijedeća dokumentacija:

1. _____
2. _____
3. _____
4. _____
5. _____
6. _____
7. _____
8. _____
9. _____
10. _____

Napomena: Podnosilac zahtjeva je dužan uz zahtjev za izdavanje rješenja o zaštiti geografskog porijekla vina na osnovu Zakona o federalnim upravnim taksama i Tarifi federalnih upravnih taksi («Službene novine Federacije BiH», br. 6/98 i 8/00) dostaviti federalnu upravnu taksu u iznosu od 5 KM po tarifnom broju 1, a za izdavanje rješenja o zaštiti geografskog porijekla vina po tarifnom broju 39. tačka 2. alineja 2., dužni uplatiti taksu na rješenje u iznosu od 45,00 KM, preko računa javnih prihoda na ime Budžet Federacije BiH, na račun „Union banka“ d.d. Sarajevo broj: 102-050-00001066-98“, svrha uplate: izdavanje rješenja, budžetska organizacija broj: 2401001, vrsta prihoda broj: 722112.

Mjesto i datum

Mjesto pečata

Potpis podnosioca zahtjeva
